

1831ին, Նւ. Աժտէրխանի և Երկու անգամ Ռուսներին (1829-30), Յետ մահուան Լսպ. Նիկոմիդացի Գրիգորիս վրդի, 1842ին Լսպ. Կընտրուի և Նոյն պաշտօնը կը վարէ եօթը տարի. կը վախճանի 1849 փետրուար 2ին: Իր տապանադիրն է հետեւեալը. «Մարկոս Արքեպիսկոպոս Սարկաւազ Պօղոսեան ծնեալ ի Քիլի 1776 Ապրիլ 23 և սնեալ ի Փօթիշան, Նուիրակ Աժտէրխանու և երկիցս Ռուսներու և զամս է. Աւագ լուսարար, խնդրէ զողորմի». Այս տապանադիրը շինած է իր աշակերտը Լսպ. Գէորգ Էպս. Տէր-Յարութիւնեան Ռոմանցին եւ անոր տակ աւելցուցած է այս խօսքերը. «Ի ձեռն աշակերտին Ռոմանացի Տէր-Յարութիւնեան Աւագ լուսարար Գէորգ Էպիսկոպոսին, յամի տեառն 1849 փետրուար 20»: 1861ին, Նոյն Գէորգ Էպս. ի մարմինը այդ տապանին մէջ ամփոփած են և այս տողերը աւելցուցած. «Աստ վերոյիշեալ Գէորգ Էպոսն. եւս հանգեալ և եղաւ, յամի տեառն 1861 Յունուար 16»: Մար-Սաբայի մօտ՝ յիշատակ թողած է Ս. Յակոբի վանքին 22 հատ ձիթենիներ, որ 1891ին ծախուած են և ուրիշ կալուած մը գնուած. (Արմեզր. Տն. Ժող. ձեռն. 1891):

ՄԱՐԿՈՍ ՎՐԴ. ԱՐՂՆՑԻ.—Մբ. 1857ին:

ՄԱՐԿՈՍ ՎՐԴ. (ԾԵՐՈՒՆԻ).—Մբ. կը միաբանակցէր Շըզ-Թայակրի օրով:

ՄԱՐԿՈՍ ՎՐԴ. ԳԱՐԱԳԱՇԵԱՆ, ՊՈԼՍԵՑԻ.—Մբ. 1864 ին. շրջանաւարտ Սկիւտարի ճեմարանէն 1878ին, Զո. 1892ին. կը վտարուի միաբանութենէն և կը մեկնի Կ. Պոլիս 1899ին: Վարած է քարոզչական և առաջնորդական պաշտօններ (1899-1910), Հոգևոր հովիւ Համազգային Անկեղանոցին (1912-13): Վերջերս վանք դարձած և յետոյ անցած է Սիւրիա, ուր կը մնայ ցարդ:

ՄԱՐԿՈՍ ՎՐԴ. ԹՕԽԱՏՑԻ.—Մբ. 1793 ին:

ՄԱՐԿՈՍ ՎՐԴ. ՍԱՐԳԻՍԵԱՆ, ՍԱՄԱԹԻՍՑԻ.—Մբ. Ծն. 1818ին, աւագանի անունը Գրիգոր. Զո. 1849ին. կը վախճանի 1889 ին. Ս. Յակոբի մէջ վարած է գրապետութեան պաշտօնը:

ՄԱՐՈՒԳԷ (միս.) ԱՐԱՊԿԻՐՑԻ.— 1724ին ուխտաւորութեամբ կ'այցելէ Ս. Յակոբի վանքը և ձեռագիր ունեւորան մը կը նուիրէ (ՄՁ. Թ. 1927). իր մասին կը քաղենք հետեւ-